



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-3-40-168-7/11**
Datum: **02. 11. 2011. god**

«Agencija za vodno područje rijeke Save» Sarajevo rješavajući u ponovljenom postupku zahtjev Investitora, **«Global Ispat Koksna Industrija» d.o.o. za proizvodnju koksa, hemijskih proizvoda i energije Lukavac** za izdavanje vodne dozvole za ispuštanje tehnoloških otpadnih voda i promet opasnih materija kao i proizvoda od tih materija koji nakon upotrebe dopijevaju u vode, na osnovu člana 109. stav 1. tačka 2., 3. i 13. i člana 139. stav 1. tačka 3. i 4. Zakona o vodama («Službene novine Federacije BiH», broj 70/06), člana 4. stav 1. tačka 3., 4. i 12. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH, broj 06/08) i člana 200. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

Odbija se zahtjev za izdavanje vodne dozvole Investitoru, «Global Ispat Koksna Industrija» d.o.o. za proizvodnju koksa, hemijskih proizvoda i energije Lukavac za ispuštanje tehnoloških otpadnih voda i promet opasnih materija kao i proizvoda od tih materija koji nakon upotrebe dopijevaju u vode zbog neostvarivanja prava na ispuštanje otpadnih voda.

O b r a z l o ž e n j e

Investitor, «Global Ispat Koksna Industrija» d.o.o. Lukavac – Sektor investicija i razvoja, zahtjevom bez broja od 28.03.2011.godine zatražio je izdavanje vodne dozvole za ispuštanje tehnoloških otpadnih voda i promet opasnih materija kao i proizvoda od tih materija koji nakon upotrebe dopijevaju u vode.

«Agencija za vodno područje rijeke Save» Sarajevo u prvostepenom postupku izdala je Rješenje o vodnoj dozvoli, broj: UP-I-25-1-40-168-3/11 od 27.07.2011. godine.

Privredno društvo «Global Ispat Koksna Industrija» d.o.o. Lukavac, zastupano po punomoćniku Ahmed Žilić- advokatu iz Sarjeva, izjavilo je žalbu na pomenuto rješenje.

Federalno ministarstvo poljoprivrede, vodoprivrede i šumarstva, kao drugostepeni organ, izdalo je Rješenje broj: UP-II-10-25/3-91/11 od 07.09.2011. godine, kojim se uvažava žalba, rješenje prvostepenog organa poništava i predmet vraća na ponovni postupak.

U ponovljenom postupku od investitora je zatraženo dostavljanje dodatne dokumentacije i to: Kompletan tekst Zaljučka o ocjeni Integralnog Plana aktivnosti «GIKIL» d.o.o. izdatog od strane Federalnog ministarstva okoliša i turizma, broj: UP-I/05-23-136/09-DĐ od 07.06.2011.godine, i izdate Izvještaje o ispitivanju kvalitativnih i kvantitativnih karakteristika ispuštenih tehnoloških voda za 2011. godinu.

Investitor je dostavio traženu dokumentaciju kao i Memorandum o razumjevanju za imenovanje GIKIL-a kao pilot postrojenja za izdavanje okolinske dozvole od 28.07.2011. godine zaključen između IPPC projekta, Federalnog ministarstva okoliša i turizma i GIKIL-a. Memorandumom je ugovoreno da IPPC projekat pruži pomoć Ministarstvu i GIKIL-u u prioritetizaciji aktivnosti za zaštitu okoliša i u pregovorima za izradu konačne okolišne dozvole.

U ponovljenom postupku, osim ranije dostavljene dokumentacije i naknadno dostavljene dokumentacije, korišten je i dokument Zapisnik o inspekcijском nadzoru, broj: UP-I-14-25-00151/2011-1402-P-1402-1-P od 03.08.2011. godine, Federalne uprave za inspekcijske

poslove Sarajevo, kojim je utvrđen dug GIKIL-a po osnovu plaćanja posebnih vodnih naknada u iznosu od 493.689,71 KM, i zaduženja obaveznika od 31.10.2011. godine za plaćanje posebnih vodnih naknada kojom je utvrđen dug od 353.037,20 KM za zaštitu voda i dug od 120.337,27 KM za zahvatanje voda.

Razlozi za odbijanje zahtjeva za izdavanje vodne dozvole su slijedeći:

1. Prema zbirnom godišnjem izvještaju o ispitivanju i ocjeni kvaliteta ispuštenih tehnoloških otpadnih voda za 2010. godinu, te svim dostavljenim pojedinačnim izvještajima o ispitivanju i ocjeni kvaliteta tehnoloških otpadnih voda za mjesec januar – avgust 2011. godine, izvršenih na dva mjerna mjesta i izrađenih od strane Instituta za hemijsko inženjerstvo Tuzla, utvrđeni su parametri koji znatno prekoračuju i dozvoljena odstupanja od propisanih graničnih vrijednosti, a propisanih Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik («Službene novine Federacije BiH, broj 50/07»). Za sve ispuštene i ispitane tehnološke otpadne vode, na dva mjerna mjesta, utvrđena je toksičnost.

Labaratorija za vode «Agencije za vodno područje rijeke Save» Sarajevo, kao ovlaštena kontrolna labaratorija, na 6 (šest) mjenih mjesta 23.09.2011. godine, izvršila je uzorkovanje i kontrolu kvaliteta tehnoloških otpadnih voda GIKIL-a, koje se ispuštaju u potok Hrvati i rijeku Spreču i utvrđeno je prekoračenje maksimalno dozvoljenih koncentracija parametara kvaliteta amonijaka, hlorida, sulfata i svih PAH-ova za koje su Pravilnikom utvrđene maksimalno dozvoljene koncentracije.

Na osnovu izvještaja o ispitivanju i ocjeni kvaliteta tehnoloških otpadnih voda i u skladu sa članom 4. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik, tehnološke otpadne vode iz GIKIL-a **ne mogu se ispuštati u površinske vode.**

2. U skladu sa odredbama člana 21. stav 3. Pravilnika o sadržaju , obliku, uvjetima , načinu izdavanja i čuvanja vodnih akata («Službene novine Federacije BiH, broj 06/08), GIKIL ne posjeduje investicijsko-tehničku dokumentaciju izrađenu u skladu sa propisima o vodama i uvjetovanu ranije uzdatim vodoprivrednim i vodnim dozvolama, a izdatih od strane Federalnog ministarstva poljoprivrede, vodoprivrede i šumarstva Sarajevo, brojevi: UP-I-04-25-39/04 od 18.10.2005.godine i UP-I-05-25-56/06 od 05.07.2008. godine i Agencije za vodno područje rijeke Save» Sarajevo broj: UP-I/25-3-40-373-6/09 od 26.03.2010. godine.
3. Također, u skladu sa odredbama člana 21. stav 3. Pravilnika o sadržaju , obliku, uvjetima , načinu izdavanja i čuvanja vodnih akata GIKIL ne posjeduje okolišnu dozvolu, a u Izvještaju Stručne komisije o analizi i ocjeni prihvatljivosti integralnog plana aktivnosti sa mjerama i rokovima za postupno smanjenje emisija, odnosno zagađenja i za usaglašavanje sa najboljom raspoloživom tehnikom za pogone i postrijenja Global Ispat Koksna Industrija D.O.O. Lukavac, koji je satavni dio Zaljučka o ocjeni Integralnog Plana aktivnosti «GIKIL» d.o.o. izdatog od strane Federalnog ministarstva okoliša i turizma, broj: UP-I/05-23-136/09-DĐ od 07.06.2011.godine, u rubrici komentar i zaključak koji se odnosi na zagađenje vode (strana 7 i 8 Izvještaja) u Planu aktivnosti se ne prihvata i traži se analiza podataka o zagađenju voda. Rokovi iz Plana aktivnosti za smanjenje emisija, odnosno zagađenja koji je izradila konsultantska firma Dvokut pro Sarajevo, zavisno od aktivnosti, istekli su 2009., 2010.godine i zavšetak svih aktivnosti za postizanje parametara u granicama predviđenim Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik je do kraja 2011. godine.

Na osnovu teksta-stavova iz Memoranduma o razumjevanju za imenovanje GIKIL-a kao pilot postrojenja za izdavanje okolinske dozvole, zaključen između IPPC projekta, Federalnog ministarstva okoliša i turizma i GIKIL-a, nije poznato, odnosno nisu utvrđeni rokovi za realizaciju pilot postrojenja za izdavanje okolinske dozvole.

4. U skladu sa tačkama 29., 30., 31., 32. i 33., Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte vodne naknade i posebnih vodnih naknada («Službene novine Federacije BiH, broj 92/07»), utvrđeni su obaveznici plaćanja PVN koji vrše mjerenja i ispitivanja stepena zagađenja otpadnih voda s ciljem utvrđivanja EBS-a na osnovu čije se utvrđene vrijednosti i pravi zaduženje za plaćanje PVN-a za zaštitu voda. Dug GIKIL-a po osnovu plaćanja posebnih vodnih naknada za zaštitu voda na dan 31.10.2011. godine iznosi 353.037,20 KM.

Na osnovu provedenog ponovnog postupka, konstatuje se da je podnosilac zahtjeva, «Global Ispat Koksna Industrija» d.o.o. Lukavac za izgrađene pogone i postrojenja nije ispunio ni minimum uslova za izdavanje vodne dozvole, kako je to regulisano članom 115. do člana 118. Zakona o vodama («Službene novine Federacije BiH» broj 70/06), članom 21. i 22. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 06/08) i Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik («Službene novine Federacije BiH, broj 50/07»), te je riješeno kao u dispozitivu ovog rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM federalne administrativne takse prema tarifnom broju 3. Tarife federalnih administrativnih taksi.

Po ovlaštenju

Rukovodilac Sektora za izdavanje vodnih akata

Nedžad Vilić, dipl. ing.građ.

Dostaviti:

- «Global Ispat Koksna Industrija» d.o.o. Željeznička br. 1, 75000 Lukavac
- Federalno ministarstvo poljoprivrede, vodoprivrede i šumarstva – Sarajevo
- Federalna uprava za inspekcijske poslove, vodna inspekcija
- AVP, ISV –Vodna knjiga
- Sektor 50.
- Sektor 40, arhiva